

შპს ფრაისუოთერჰაუსკუპერს საქართველო

სპეციალური დანიშნულების წინასწარი  
ფინანსური ინფორმაცია

2019 წლის 30 ივნისი

## შინაარსი

### სპეციალური დანიშნულების წინასწარი ფინანსური ინფორმაცია

|                                                                                             |   |
|---------------------------------------------------------------------------------------------|---|
| სპეციალური დანიშნულების წინასწარი ფინანსური მდგომარეობის ანგარიშგება.....                   | 1 |
| სპეციალური დანიშნულების წინასწარი მოგება-ზარალის და სხვა სრული შემოსავლის ანგარიშგება ..... | 2 |
| სპეციალური დანიშნულების წინასწარი საკუთარ კაპიტალში ცვლილებების ანგარიშგება .....           | 3 |
| სპეციალური დანიშნულების წინასწარი ფულადი ნაკადების ანგარიშგება .....                        | 4 |

### განმარტებითი შენიშვნები

|    |                                                                                        |    |
|----|----------------------------------------------------------------------------------------|----|
| 1  | PwC საქართველო და მისი საქმიანობა .....                                                | 5  |
| 2  | კომპანიის საოპერაციო გარემო .....                                                      | 5  |
| 3  | მნიშვნელოვანი სააღრიცხვო პოლიტიკა .....                                                | 6  |
| 4  | მნიშვნელოვანი სააღრიცხვო შეფასებები და განსჯა სააღრიცხვო პოლიტიკის გამოყენებისას ..... | 11 |
| 5  | ნაშთები და ოპერაციები დაკავშირებულ მხარეებთან .....                                    | 12 |
| 6  | ძირითადი საშუალებები .....                                                             | 13 |
| 7  | სავაჭრო და სხვა მოთხოვნები .....                                                       | 13 |
| 8  | ფულადი სახსრები და მათი ეკვივალენტები .....                                            | 14 |
| 9  | სავაჭრო და სხვა ვალდებულებები .....                                                    | 14 |
| 10 | საწესდებო კაპიტალი .....                                                               | 14 |
| 11 | სხვა საოპერაციო ხარჯები.....                                                           | 15 |
| 12 | საანგარიშგებო პერიოდის შემდეგ მომხდარი მოვლენები .....                                 | 15 |

**შპს ფრაისუოთერჰაუსკუპერს საქართველო**  
**სპეციალური დანიშნულების წინასწარი ფინანსური მდგომარეობის ანგარიშგება**

| ათასი აშშ დოლარი                      | შენიშვნა | 30 ივნისი 2019 | 1 ივლისი 2018 |
|---------------------------------------|----------|----------------|---------------|
| <b>აქტივები</b>                       |          |                |               |
| <b>გრძელვადიანი აქტივები</b>          |          |                |               |
| ძირითადი საშუალებები                  | 6        | 433            | 451           |
| არამატერიალური აქტივები               |          | 3              | 4             |
| <b>სულ გრძელვადიანი აქტივები</b>      |          | <b>436</b>     | <b>455</b>    |
| <b>მოკლევადიანი აქტივები</b>          |          |                |               |
| სავაჭრო და სხვა მოთხოვნები            | 7        | 1,870          | 1,617         |
| ფულადი სახსრები და მათი ეკვივალენტები | 8        | 1,448          | 1,019         |
| <b>სულ მოკლევადიანი აქტივები</b>      |          | <b>3,318</b>   | <b>2,636</b>  |
| <b>სულ აქტივები</b>                   |          | <b>3,754</b>   | <b>3,091</b>  |
| <b>საკუთარი კაპიტალი</b>              |          |                |               |
| საწესდებო კაპიტალი                    | 10       | 100            | 100           |
| გაუნაწილებელი მოგება                  |          | 2,837          | 1,883         |
| <b>სულ კაპიტალი</b>                   |          | <b>2,937</b>   | <b>1,983</b>  |
| <b>ვალდებულებები</b>                  |          |                |               |
| <b>მოკლევადიანი ვალდებულებები</b>     |          |                |               |
| სავაჭრო და სხვა ვალდებულებები         | 9        | 817            | 1,108         |
| <b>სულ მოკლევადიანი ვალდებულებები</b> |          | <b>817</b>     | <b>1,108</b>  |
| <b>სულ ვალდებულებები</b>              |          | <b>817</b>     | <b>1,108</b>  |
| <b>სულ ვალდებულებები და კაპიტალი</b>  |          | <b>3,754</b>   | <b>3,091</b>  |

გამოსაცემად დამტკიცდა და ხელი მოეწერა 2020 წლის 30 მარტს.

ლამა ჯანელიძე  
 გენერალური დირექტორი

თამარ გრიგორევი  
 ფინანსური დირექტორი

**შპს ფრანსუოთერპაუსკუპერს საქართველო**  
**სპეციალური დანიშნულების წინასწარი მოგება-ზარალის და სხვა სრული შემოსავლის ანგარიშგება**

| ათასი აშშ დოლარი                           | შენიშვნა | 2019*        |
|--------------------------------------------|----------|--------------|
| <b>ამონაგები პროფესიული მომსახურებიდან</b> |          | <b>6,786</b> |
| სახელფასო ხარჯები                          |          | (3,493)      |
| პროფესიული მომსახურების ხარჯები            |          | (1,076)      |
| ცვეთა და ამორტიზაცია                       |          | (131)        |
| სხვა საოპერაციო ხარჯები                    | 11       | (1,091)      |
| <b>საოპერაციო მოგება</b>                   |          | <b>995</b>   |
| კურსთა შორის სხვაობა                       |          | (32)         |
| <b>მოგება დაბეგვრამდე</b>                  |          | <b>963</b>   |
| მოგების გადასახადი                         |          | (9)          |
| <b>ფინანსური წლის მოგება</b>               |          | <b>954</b>   |
| სხვა სრული შემოსავალი                      |          | -            |
| <b>ფინანსური წლის სრული შემოსავალი</b>     |          | <b>954</b>   |

(\*) 2019 ფინანსური წელი: 2018 წლის 1 ივლისიდან 2019 წლის 30 ივნისის ჩათვლით.

*შპს ფრაისუოთერჰაუსკუპერს საქართველო*  
*სპეციალური დანიშნულების წინასწარი საკუთარ კაპიტალში ცვლილებების ანგარიშგება*

| <i>ათასი აშშ დოლარი</i>          | <i>საწესდებო<br/>კაპიტალი</i> | <i>გაუნაწილებელი<br/>მოგება</i> | <i>სულ</i>   |
|----------------------------------|-------------------------------|---------------------------------|--------------|
| <b>ნაშთი 2018 წლის 1 ივლისს</b>  | <b>100</b>                    | <b>1,883</b>                    | <b>1,983</b> |
| ფინანსური წლის მოგება            | -                             | 954                             | 954          |
| სხვა სრული შემოსავალი            | -                             | -                               | -            |
| ფინანსური წლის სრული შემოსავალი  | -                             | 954                             | 954          |
| <b>ნაშთი 2019 წლის 30 ივნისს</b> | <b>100</b>                    | <b>2,837</b>                    | <b>2,937</b> |

**შპს ფრანსუოთერპაუსკუპერს საქართველო**  
**სპეციალური დანიშნულების წინასწარი ფულადი ნაკადების ანგარიშგება**

| ათასი აშშ დოლარი                                                          | შენიშვნა | 2019*        |
|---------------------------------------------------------------------------|----------|--------------|
| <b>მოგება დაბეგვრამდე</b>                                                 |          | <b>963</b>   |
| შესწორებები:                                                              |          |              |
| ცვეთა და ამორტიზაცია                                                      |          | 131          |
| სავაჭრო და სხვა მოთხოვნების გაუფასურება                                   |          | 7            |
| უცხოური ვალუტის გადანაგარიშების სხვაობები                                 |          | 32           |
| <b>საოპერაციო ფულადი ნაკადები საბრუნავი კაპიტალის ცვლილებამდე</b>         |          | <b>1,133</b> |
| სავაჭრო და სხვა მოთხოვნის გაზრდა                                          |          | (261)        |
| სავაჭრო და სხვა ვალდებულებების შემცირება                                  |          | (292)        |
| მოგების გადასახადი                                                        |          | (9)          |
| <b>ცვლილებები საბრუნავ კაპიტალში</b>                                      |          | <b>(562)</b> |
| <b>წმინდა ფულადი ნაკადი საოპერაციო საქმიანობიდან</b>                      |          | <b>571</b>   |
| <b>ფულადი ნაკადები საინვესტიციო საქმიანობიდან</b>                         |          |              |
| ძირითადი საშუალებებისა და არამატერიალური აქტივების შეძენა                 |          | (113)        |
| <b>წმინდა ფულადი სახსრები გამოყენებული საინვესტიციო საქმიანობაში</b>      |          | <b>(113)</b> |
| სავალუტო კურსის ცვლილებების გავლენა ფულად სახსრებსა და მათ ეკვივალენტებზე |          | (29)         |
| <b>ფულადი სახსრები და მათი ეკვივალენტები ფინანსური წლის დასაწყისში</b>    | <b>8</b> | <b>1,019</b> |
| <b>ფულადი სახსრები და მათი ეკვივალენტები ფინანსური წლის ბოლოს</b>         | <b>8</b> | <b>1,448</b> |

(\*) 2019 ფინანსური წელი: 2018 წლის 1 ივლისიდან 2019 წლის 30 ივნისის ჩათვლით.

## **1 PwC საქართველო და მისი საქმიანობა**

წინამდებარე სპეციალური დანიშნულების წინასწარი ფინანსური ინფორმაცია (შემდეგში „ფინანსური ინფორმაცია“) მომზადებულია მე-3 შენიშვნაში ახსნილი მომზადების საფუძვლებისა და ბუღალტრული აღრიცხვის, ანგარიშგებისა და აუდიტის შესახებ საქართველოს კანონის მოთხოვნების შესაბამისად შპს ფრაისუოთერჰაუსკუპერს საქართველოსთვის (შემდგომში „კომპანია“ ან „PwC საქართველო“) 2019 წლის 30 ივნისს დასრულებული წლისთვის.

PwC წარმოადგენს საერთაშორისო აუდიტორულ და საკონსულტაციო მომსახურების სფეროში მოღვაწე პროფესიული ფორმების ერთ-ერთ წამყვან ქსელს მსოფლიოში. საქართველოში PwC კლიენტებს ემსახურება 1996 წლიდან, ხოლო წარმომადგენლობითი ოფისი, „ფრაისუოთერჰაუსკუპერს ცენტრალური აზია და კავკასია ბი ვი საქართველოს ფილიალი“ (შემდგომში „ფილიალი“) თბილისში გაიხსნა 2005 წლის სექტემბერში.

2017 წლის სექტემბერში, ბუღალტრული აღრიცხვის, ანგარიშგებისა და აუდიტის შესახებ საქართველოს კანონის მოთხოვნებიდან გამომდინარე მოხდა ახალი იურიდიული პირის, შპს „ფრაისუოთერჰაუსკუპერს საქართველო“-ს დაარსება, რომელმაც ახალი იურიდიული ფორმით გააგრძელა PwC-ის საქმიანობა საქართველოში.

2018 წლის 1 ივლისის და 2019 წლის 30 ივნისის მდგომარეობით კომპანიის 100%-იანი წილის მფლობელია შეზღუდული პასუხისმგებლობის საზოგადოება „ფრაისუოთერჰაუსკუპერს ოდითინგი“ (უნგრეთი), რომელიც კომპანიის უშუალო მშობელ კომპანიას წარმოადგენს.

PwC საქართველო წარმოადგენს შეზღუდული პასუხისმგებლობის საზოგადოებას, იურიდიულ პირად დარეგისტრირებულია სსიპ საჯარო რეესტრის ეროვნული სააგენტოს მიერ და მინიჭებული აქვს საიდენტიფიკაციო ნომერი: 405220611.

კომპანიის ძირითადი სამეწარმეო საქმიანობა მოიცავს აუდიტს და სხვა მარწმუნებელ სერვისებს, საგადასახადო, საკონსულტაციო, იურიდიულ და სხვა დაკავშირებულ მომსახურებებს.

კომპანიის იურიდიული მისამართია: საქართველო, თბილისი, მ. ალექსიძის ქ.12, ბიზნეს ცენტრი „King David“.

**წარსადგენი ვალუტა.** წინამდებარე სპეციალური დანიშნულების წინასწარი ფინანსური ინფორმაცია წარდგენილია ამერიკულ დოლარში.

**ფინანსური წელი.** კომპანიის ფინანსური წელი, და, შესაბამისად, ანგარიშგების პერიოდი არის 1 ივლისიდან 30 ივნისამდე.

## **2 კომპანიის საოპერაციო გარემო**

კომპანიის ძირითადი საქმიანობის ადგილია საქართველო. საქართველოს გააჩნია განვითარებადი ბაზრისთვის დამახასიათებელი გარკვეული მახასიათებლები, რაც მოიცავს შედარებით მაღალ ინფლაციის მაჩვენებელსა და საპროცენტო განაკვეთებს. ხშირია ცვლილებები საქართველოს საგადასახადო კოდექსში და ინტერპრეტაციებში.

საქართველოს სამომავლო ეკონომიკური მიმართულება მნიშვნელოვნადაა დამოკიდებული მთავრობის მიერ მიღებული ეკონომიკური, ფინანსური და მონეტარული გადაწყვეტილებების ეფექტურობაზე, ისევე როგორც საგადასახადო, საკანონმდებლო, მარეგულირებელ და პოლიტიკურ განვითარებაზე. ხელმძღვანელობას სჯერა, რომ ის მიმართავს ყველა საჭირო ღონისძიებას კომპანიის ბიზნესის მდგრადობისა და განვითარების მხარდასაჭერად.

### **3 მნიშვნელოვანი სააღრიცხვო პოლიტიკა**

**განცხადება შესაბამისობის თაობაზე.** წინამდებარე სპეციალური დანიშნულების წინასწარი ფინანსური ინფორმაცია მომზადებულია 2019 წლის 30 ივნისს დასრულებული წლისთვის, კომპანიის მიერ მცირე და საშუალო საწარმოებისათვის ფინანსური აღრიცხვის საერთაშორისო სტანდარტის („მსს ფასს სტანდარტი“) მიღების ფარგლებში, 35-ე პუნქტის „მსს ფასს სტანდარტზე გადასვლა“ მოთხოვნების შესაბამისად. კომპანიის მსს ფასს სტანდარტზე გადასვლის თარიღია 2018 წლის 1 ივლისი და წინამდებარე სპეციალური დანიშნულების ფინანსური ინფორმაცია არ შეიცავს გადასვლის თარიღამდე პერიოდების შესადარის ინფორმაციას. სპეციალური დანიშნულების წინასწარი ფინანსური ინფორმაციის დანიშნულებაა 2020 წლის 30 ივნისს დასრულებული წლისთვის პირველი მსს ფასს სტანდარტის შესაბამისი ფინანსური ანგარიშგების სრული პაკეტისთვის შესადარისი ინფორმაციის უზრუნველყოფა. შესაბამისად, ეს სპეციალური დანიშნულების წინასწარი ფინანსური ინფორმაცია არ განიხილება, როგორც კომპანიის მსს ფასს სტანდარტის შესაბამისი ფინანსური ანგარიშგების სრული პაკეტი.

სპეციალური დანიშნულების წინასწარი ფინანსური ინფორმაციის მომზადებისას ხელმძღვანელობამ გამოიყენა იმ მოსალოდნელი სტანდარტებისა და ინტერპრეტაციების, ფაქტების, გარემოებებისა და სააღრიცხვო პოლიტიკის შესახებ თავისი საუკეთესო ცოდნა, რომელიც გამოიყენება მაშინ, როდესაც კომპანია მოამზადებს ფინანსური ანგარიშგების პირველ სრულ პაკეტს მსს ფასს სტანდარტის შესაბამისად, ე.ი. 2020 წლის 30 ივნისისთვის. ამგვარად, სანამ კომპანია მსს ფასს სტანდარტის შესაბამისად მომზადებული ფინანსური ანგარიშგების სრულ პაკეტს არ წარადგენს, არ უნდა გამოირიცხოს, რომ ეს ფინანსური ანგარიშგება შეიცვალოს 2020 წლის 30 ივნისს დასრულებული წლის კომპანიის პირველი მსს ფასს სტანდარტის შესაბამისი ფინანსური ანგარიშგების შესადარისი ინფორმაციად წარსადგენად.

ქვემოთ მოცემულია ძირითადი სააღრიცხვო პოლიტიკა, რომელიც გამოყენებულ იქნა სპეციალური დანიშნულების წინასწარი ფინანსური ინფორმაციის მომზადებისას.

მსს ფასს სტანდარტის შესაბამისად სპეციალური დანიშნულების წინასწარი ფინანსური ინფორმაციის მომზადება მოითხოვს გარკვეული მნიშვნელოვანი სააღრიცხვო შეფასებების გაკეთებას. მოითხოვება ასევე ხელმძღვანელობის მიერ პროფესიული განსჯის გამოყენება კომპანიის სააღრიცხვო პოლიტიკის გამოყენებისას. საკითხები, რომელთა მიმართ შედარებით მაღალი დონის განსჯის გამოყენებაა საჭირო, რთულია ან სპეციალური დანიშნულების წინასწარი ფინანსური ინფორმაციისთვის მნიშვნელოვან დაშვებებსა და შეფასებებს მოითხოვს, გამჟღავნებულია მე-4 შენიშვნაში.

**მსს ფასს სტანდარტის პირველად შემოღება.** ადგილობრივი კანონმდებლობის შესაბამისად მსს ფასს სტანდარტზე გადასვლამდე კომპანიას არ მოეთხოვებოდა ფინანსური ანგარიშგების მომზადება და მას წარსულში არ მოუმზადებია ფინანსური ანგარიშგება. ამგვარად, იმის შეჯერება, ადრინდელი ფინანსური ანგარიშგების წარდგენის საფუძვლებიდან მსს ფასს სტანდარტზე გადასვლამ როგორი გავლენა მოახდინა კომპანიის ფინანსურ მდგომარეობაზე, მისი საქმიანობის ფინანსურ შედეგებსა და ფულად ნაკადებზე, ვერ იქნება წარმოდგენილი ამ სპეციალური დანიშნულების წინასწარ ფინანსურ ინფორმაციაში.

მსს ფასს სტანდარტი მოითხოვს ფინანსური მდგომარეობის ანგარიშგების წარდგენას მსს ფასს სტანდარტზე გადასვლის თარიღისთვის და მოიცავს მსს ფასს სტანდარტის რეტროსპექტიული გამოყენებისგან გარკვეულ სავალდებულო და არჩევით გამონაკლისებს. წინამდებარე სპეციალური დანიშნულების ფინანსური ინფორმაციის მოსამზადებლად კომპანიამ გამოიყენა მხოლოდ სავალდებულო გამონაკლისები. კომპანიას ასევე არ გამოუყენებია არაპრაქტიკულობასთან დაკავშირებული რაიმე ზოგადი გამონაკლისი მსს ფასს სტანდარტის 35.11 პუნქტის შესაბამისად.

### 3 მნიშვნელოვანი სააღრიცხვო პოლიტიკა (გაგრძელება)

**შეფასების საფუძველი.** წინამდებარე სპეციალური დანიშნულების წინასწარი ფინანსური ინფორმაცია მომზადებულია პირვანდელი ღირებულების მეთოდის საფუძველზე.

**უცხოური ვალუტის გადაანგარიშება.** კომპანიის ფუნქციონალური და წარსადგენი ვალუტა არის აშშ დოლარი, რომელიც განსხვავებულია იმ ძირითადი ეკონომიკური გარემოს ვალუტისგან (ანუ ქართული ლარისგან), სადაც კომპანია ოპერირებს. ხელმძღვანელობა მიიჩნევს, რომ აშშ დოლარი ყველაზე ადეკვატურად ასახავს კომპანიის ოპერაციების ეკონომიკურ შინაარსს.

ფულადი აქტივები და ვალდებულებები, კომპანიის ფუნქციონალურ ვალუტაში გადაიყვანება შესაბამისი საანგარიშგებო პერიოდის ბოლოს, საქართველოს ეროვნული ბანკის ('სებ'-ის) მიერ დადგენილი კურსით. შემოსულობები და ზარალი უცხოური ვალუტის კურსთა შორის სხვაობიდან, წარმოქმნილი ოპერაციების ანგარიშსწორებიდან და წლის ბოლოს ფულადი აქტივების და ვალდებულებების კომპანიის სამუშაო ვალუტაში გადაანგარიშებიდან, აღირიცხება მოცემული წლის მოგება-ზარალის და სხვა სრულ შემოსავალის ანგარიშგებაში როგორც, 'წმინდა მოგება უცხოური ვალუტის გაცვლითი კურსის ცვლილებიდან'.

სებ-ის მიერ დადგენილი ძირითადი სავალუტო გაცვლითი კურსები, რომლითაც მოხდა უცხოურ ვალუტაში გამოსახული ნაშთების აშშ დოლარში გადაანგარიშება, იყო:

|                           | 30 ივნისი 2019 | 1 ივლისი 2018 |
|---------------------------|----------------|---------------|
| 1 აშშ დოლარი/ლარი         | 2.8687         | 2.4516        |
| 1 ევრო/ლარი               | 3.2657         | 2.8537        |
| 1 გირვანქა სტერლინგი/ლარი | 3.6384         | 3.2209        |

**ფულადი სახსრები და მათი ეკვივალენტები.** ფულადი სახსრები და მათი ეკვივალენტები მოიცავს ფულს სალაროში და მიმდინარე ანგარიშებზე.

**სავაჭრო მოთხოვნები.** სავაჭრო მოთხოვნები თავდაპირველად გარიგების ფასით აღიარდება. შემდეგ ისინი ფასდება ამორტიზებული ღირებულებით, ეფექტური საპროცენტო განაკვეთის მეთოდის გამოყენებით, შემცირებული გაუფასურების ანარიცხებით. სავაჭრო მოთხოვნების გაუფასურების ანარიცხი იქმნება, როდესაც ობიექტური მტკიცებულება არსებობს, რომ კომპანია ვერ შეძლებს ყველა მისაღები თანხის მიღებას დებიტორული დავალიანების თავდაპირველი პირობების შესაბამისად.

**გადახდილი ავანსი.** გადახდილი ავანსი აღირიცხება თვითღირებულებით, შემცირებული გაუფასურების ანარიცხებით. თუ არსებობს ნიშანი, რომ გადახდილ ავანსთან დაკავშირებული აქტივები, საქონელი ან მომსახურება არ მიიღება, გადახდილი ავანსის საბალანსო ღირებულება შესაბამისად ჩამოიწერება და გაუფასურების ზარალი წლის მოგება-ზარალში აღიარდება.

**დარიცხული მისაღები შემოსავალი (WIP).** WIP წარმოადგენს კონკრეტული სააღრიცხვო პერიოდის განმავლობაში მიმდინარე საკონტრაქტო მომსახურებებზე დარიცხულ შემოსავალს, რომელიც გამომუშავებულია კომპანიის მიერ შესაბამისი გარიგების პირობებიდან გამომდინარე. WIP-ის აღიარება ხდება მისი შეფასებული სარეალიზაციო ღირებულებით სამუშაოს შესრულების სტადიის პროპორციულად და მისი დებიტორულ დავალიანებად კლასიფიცირება ხდება კომპანიის მიერ შესაბამისი ანგარიშ-ფაქტურის გამოწერის მომენტში.

**ძირითადი საშუალებები.** ძირითადი საშუალებები აღირიცხება თვითღირებულებით, შემცირებული დაგროვილი ცვეთის და გაუფასურების ანარიცხებით, საჭიროებისამებრ.

### **3 მნიშვნელოვანი სააღრიცხვო პოლიტიკა (გაგრძელება)**

შემდგომი დანახარჯები აისახება აქტივის საბალანსო ღირებულებაში ან აღიარდება ინდივიდუალური აქტივის სახით, საჭიროებისამებრ, მხოლოდ იმ შემთხვევაში, როდესაც მოსალოდნელია მოცემულ აქტივთან დაკავშირებული სამომავლო ეკონომიკური სარგებლის შემოსვლა და შესაძლებელია დანახარჯების საიმედოდ შეფასება. უმნიშვნელო რემონტისა და ყოველდღიური საექსპლუატაციო დანახარჯები გაწევისთანავე აისახება ხარჯებში.

**ცვეთა.** ძირითადი საშუალებების ცვეთა გამოითვლება წრფივი მეთოდის გამოყენებით, მათი ღირებულების ან გადაფასებული თანხების ნარჩენი ღირებულების გადასანაწილებლად მათ დარჩენილ სასარგებლო მომსახურების ვადაზე:

- |                                       |           |
|---------------------------------------|-----------|
| • საოფისე აღჭურვილობა და ავეჯი        | 5-10 წელი |
| • იჯარით აღებული ქონების კეთილმოწყობა | 5 წელი    |
| • კომპიუტერული აღჭურვილობა            | 3 წელი    |

აქტივის ნარჩენი ღირებულება არის შეფასებული ღირებულება, რომელსაც კომპანია ამჟამად მიიღებდა აქტივის გასვლიდან, გასვლასთან დაკავშირებული დანახარჯების გამოკლებით, სასარგებლო მომსახურების ვადის დასრულების შემდგომ მისი მდგომარეობის გათვალისწინებით.

აქტივების ნარჩენი ღირებულებები და სასარგებლო მომსახურების ვადები გადაისინჯება და კორექტირდება, საჭიროების შემთხვევაში, თითოეული საანგარიშგებო პერიოდის ბოლოს.

გასვლიდან მიღებული შემოსულობები და ზარალი განისაზღვრება შემოსული თანხების შედარებით საბალანსო ღირებულებასთან და აღიარდება სრული შემოსავლის ანგარიშგების „სხვა საოპერაციო წმინდა მოგებაში“.

**არამატერიალური აქტივები.** არამატერიალურ აქტივებს განსაზღვრული სასარგებლო მომსახურების ვადა გააჩნია, და, ძირითადად, წარმოდგენილია კაპიტალიზებული კომპიუტერული პროგრამული უზრუნველყოფით. შეძენილი კომპიუტერული პროგრამული უზრუნველყოფა კაპიტალიზდება, მათი გამოყენების დაწყებისათვის გაწეული დანახარჯების საფუძველზე. არამატერიალური აქტივები ამორტიზდება წრფივი მეთოდის გამოყენებით, სასარგებლო მომსახურების ვადის განმავლობაში, რომელიც განსაზღვრულია 3-5 წლით.

**არაფინანსური აქტივების გაუფასურება.** აქტივებს, რომლებსაც ერიცხება ცვეთა და ამორტიზაცია, გაუფასურებაზე აფასებენ მაშინ, როდესაც მოვლენების ან გარემოებების ცვლილებები მიანიშნებენ, რომ საბალანსო ღირებულება შეიძლება არ იყოს ანაზღაურებადი. გაუფასურების ზარალი აღიარდება იმ თანხის ოდენობით, რა თანხითაც აქტივის საბალანსო ღირებულება აღემატება მის ანაზღაურებად ღირებულებას. ანაზღაურებადი ღირებულება არის აქტივის გაყიდვის დანახარჯებით შემცირებული რეალურ ღირებულებასა და მის გამოყენებით მისაღებ ღირებულებას შორის უდიდესი. გაუფასურების შეფასების მიზნებისათვის აქტივები დაჯგუფებულია ყველაზე დაბალ დონეზე, რომელ დონეზეც ხდება დამოუკიდებელი ფულადი ნაკადების შემოსვლა (ფულადი სახსრების მაგენერირებელი ერთეულები). ყოველი საანგარიშგებო თარიღისთვის ხდება არაფინანსური აქტივების ადრინდელი გაუფასურებების გადახედვა მასში შესაძლო კორექტირების გამოვლენის მიზნით.

**სავაჭრო და სხვა კრედიტორული დავალიანება.** სავაჭრო კრედიტორული დავალიანების დარიცხვა ხდება მაშინ, როდესაც პარტნიორი ასრულებს თავის მოვალეობებს ხელშეკრულების ფარგლებში და იგი თავდაპირველად აღიარდება რეალური ღირებულებით, შემდეგ კი ამორტიზებული ღირებულებით ეფექტური საპროცენტო განაკვეთის მეთოდის გამოყენებით.

### **3 მნიშვნელოვანი სააღრიცხვო პოლიტიკა (გაგრძელება)**

**ვალდებულებებისა და ხარჯების ანარიცხები.** ვალდებულებებისა და ხარჯების ანარიცხები არის გაურკვეველი ვადისა და ოდენობის არაფინანსური ვალდებულებები. მათი დარიცხვა ხდება მაშინ, როდესაც კომპანიას გააჩნია მიმდინარე იურიდიული ან კონსტრუქციული მოვალეობა წარსული მოვლენების შედეგად და მოსალოდნელია, რომ ამ მოვალეობის შესასრულებლად საჭირო იქნება ეკონომიკური სარგებლის შემცველი რესურსების გადინება და შესაძლებელია ამ მოვალეობის თანხის საიმედოდ შეფასება. ანარიცხების შეფასება ხდება ვალდებულების ანგარიშსწორებისათვის საჭირო მოსალოდნელი დანახარჯების დისკონტირებული ღირებულებით, დაბეგვრამდე განაკვეთის გამოყენებით, რაც ასახავს ფულის დროითი ღირებულების საბაზრო შეფასებებს და ამ მოვალეობისათვის სპეციფიკურ რისკებს. დროის გასვლის გამო ანარიცხების ზრდა აღიარდება საპროცენტო ხარჯის სახით.

**საწესდებო კაპიტალი.** კომპანიის საწესდებო კაპიტალი განისაზღვრება დამფუძნებლების მიერ. კომპანიის საწესდებო კაპიტალში ცვლილების შეტანა შეიძლება მხოლოდ კომპანიის დამფუძნებლების გადაწყვეტილების საფუძველზე.

**დივიდენდები.** დივიდენდები აღიარდება როგორც ვალდებულება და გამოიქვითება გაუნაწილებელი მოგებიდან იმ პერიოდში, როდესაც მოხდება მათი გამოცხადება და დამტკიცება. საანგარიშგებო პერიოდის დასრულების შემდეგ და ფინანსური ანგარიშგების გამოსაცემად დამტკიცებამდე გამოცხადებული დივიდენდები აისახება შემდგომი მოვლენების შესახებ განმარტებით შენიშვნაში.

**მოგების გადასახადი.** მოგების გადასახადი წინამდებარე სპეციალური დანიშნულების ფინანსურ ინფორმაციაში ასახულია არსებული საანგარიშგებო პერიოდისთვის ძალაში შესული კანონმდებლობის შესაბამისად.

2016 წლის 13 მაისს საქართველოს მთავრობამ მიიღო ცვლილებები საქართველოს საგადასახადო კოდექსში, რომლის მიხედვითაც კომპანიებს (ბანკების, საკრედიტო დაწესებულებების, სადაზღვეო კომპანიების და ლომბარდების გარდა) 2017 წლის 1 იანვრიდან არ უწევთ მოგების გადასახადის გადახდა მანამ, სანამ არ მოხდება აღნიშნული მოგების განაწილება დივიდენდის სახით ან არ ჩაითვლება განაწილებულად.

ფიზიკურ პირებზე ან არარეზიდენტ იურიდიულ პირებზე დივიდენდის გაცემის მომენტში ხდება 15% მოგების გადასახადის დარიცხვა 'აგროსილ' ღირებულებაზე (მაგ. წმინდა დივიდენდები 'აიგროსება' შემადგენელი 5%-იანი გადასახადით, საჭიროებისამებრ, და გაიყოფა 0.85-ზე).

დივიდენდების განაწილებიდან წარმოქმნილი მოგების გადასახადი აღირიცხება როგორც იმ პერიოდის მოგების გადასახადის ხარჯი, რომელშიც მოხდა დივიდენდების გამოცხადება, მიუხედავად დივიდენდების გადახდის რეალური თარიღისა. პირობითი საგადასახადო ვალდებულება, რომელიც წარმოიქმნება დივიდენდების გადახდისას, არ არის აღიარებული ფინანსური მდგომარეობის ანგარიშგებაში. დივიდენდების განაწილების გარდა, გადასახადით იბეგრება ის ხარჯები ან სხვა გადახდები, რომელიც არ არის დაკავშირებული ეკონომიკურ საქმიანობასთან - აქტივების ან მომსახურების უსასყიდლო მიწოდება და წარმომადგენლობით დანახარჯები, რომლებიც აღემატება საქართველოს კანონმდებლობით გათვალისწინებულ მაქსიმალურ ოდენობას.

შელავათიანი საგადასახადო რეჟიმის მქონე იურისდიქციებში რეგისტრირებულ კომპანიებზე გადახდილი ავანსები და ამ კომპანიებთან განხორციელებული სხვა გარკვეული ოპერაციები ისევე, როგორც ფიზიკურ პირებზე ან არარეზიდენტ პირებზე გაცემული სესხები, ექვემდებარება დაუყოვნებლივ დაბეგვრას. ასეთი გადასახადები სხვა გადასახადებთან ერთად, რომლებიც შემცირებულია შესაბამისი საგადასახადო ჩათვლებით აღირიცხება მუხლში 'გადასახადები გარდა მოგების გადასახადისა' საოპერაციო ხარჯების ნაწილში.

### **3 მნიშვნელოვანი სააღრიცხვო პოლიტიკა (გაგრძელება)**

**გაურკვეველი საგადასახადო პოზიცია.** ხელმძღვანელობა კომპანიის გაურკვეველ საგადასახადო პოზიციას აფასებს ყოველი საანგარიშგებო პერიოდის ბოლოს. ვალდებულებები აღიარდება მოგების გადასახადის მდგომარეობისთვის, რაც განისაზღვრება ხელმძღვანელობის მიერ, ვინაიდან მეტად სავარაუდოა, რომ ეს გახდება მიზეზი გამოწვევებისა და დამატებითი გადასახადების დაკისრებისა საგადასახადო ორგანოების მხრიდან. აღნიშნული შეფასება ეფუძნება იმ საგადასახადო კანონმდებლობის ან მსგავს საკითხებზე სასამართლო გადაწყვეტილებების ინტერპრეტირებას, რომლებიც ამჟამად ძალაშია ან ძალაში იქნება საანგარიშგებო პერიოდის დასასრულისთვის. საურავებთან, პროცენტთან და საშემოსავლოს გარდა სხვა გადასახადებთან დაკავშირებული ვალდებულებები აღიარდება საანგარიშგებო პერიოდის ბოლოს, ვალდებულებების დასაფარად საჭირო ხარჯების ხელმძღვანელების საუკეთესო შეფასების საფუძველზე. გაურკვეველი მოგების გადასახადის პოზიციები, ჯარიმებისა და საპროცენტო განაკვეთის გარდა, აისახება მოგების გადასახადის ხარჯში.

**დამატებითი ღირებულების გადასახადი.** წარმოებულ ღირებულებაზე დამატებითი გადასახადი, დაკავშირებული გაყიდვებთან, საგადასახადო ორგანოებისათვის გადახდილ უნდა იქნეს შემდეგი მოვლენებისას, რომელიც უფრო ადრე მოხდება: (ა) დებიტორული დავალიანებების ამოღება კლიენტებისაგან ან (ბ) საქონლის ან მომსახურების მიწოდება კლიენტებისათვის. საზოგადოდ, გადასახდელი დღგ ამოღებადია ჩასათვლედი დღგ-ის საპირისპიროდ, დღგ-ის ანგარიშგაქტურის მიღებისას. საგადასახადო ორგანოების მიერ ნებადართულია დღგ-ის ჩათვლა წმინდა საფუძველზე. გადასახდელი დღგ, რომელიც დაკავშირებულია ძირითადი საშუალებების შეძენასთან გადაიდება 5-10 წლით იმ საწარმოებისთვის, რომელთაც 20% ან მეტი აქვთ დღგ-ის გან გათავისუფლებული ბრუნვა.

2015 წლის 7 დეკემბერს, საქართველოს ფინანსთა სამინისტრომ გამოსცა ბრძანება #407, რის მიხედვითაც, გადასახადის გადამხდელის ვალდებულებები ყველა გადასახადისთვის (მოგების გადასახადის ჩათვლით) და გადასახადების ყველა გადახდა აღირიცხება საგადასახადო ანგარიშზე. ამის შედეგად, ყველა საგადასახადო ვალდებულება და საგადასახადო აქტივი წარდგენილია წმინდა საფუძველზე. მოგების გადასახადის და ვალდებულებების შედეგობრივი ნაშთები ანგარიშში შეტანილია, როგორც „სხვა საგადასახადო დავალიანებები, წმინდა“ ფინანსური მდგომარეობის ანგარიშგებაში.

**ამონაგების აღიარება.** ამონაგები არის შემოსავალი, რომელიც წარმოიქმნება კომპანიის ჩვეულებრივი საქმიანობისას. ამონაგები აღიარდება გარიგების ფასით. გარიგების ფასი არის ანაზღაურება, რომლის მიღებასაც კომპანია მოელის დაპირებულ საქონელზე ან მომსახურებაზე მომხმარებლისთვის კონტროლის გადაცემის შედეგად, მესამე მხარის სახელით ამოღებული თანხების გარეშე.

ამონაგები აღიარდება, როდესაც შესაძლებელია ამონაგების საიმედოდ შეფასება, აგრეთვე მოსალოდნელია, რომ კომპანია სამომავლოდ მიიღებს ეკონომიკურ სარგებელს და შესაძლებელია მომსახურების მიწოდების ხელშეკრულების შესრულების სტადიის და მომსახურებაზე უკვე გაწეული და ხელშეკრულების მთლიანად შესრულებისათვის საჭირო დანახარჯების საიმედოდ შეფასება.

ამონაგები აღიარდება ფასდათმობების, დაბრუნების და დღგ-ს გარეშე.

**ამონაგები პროფესიული მომსახურებიდან.** ამონაგები პროფესიული მომსახურებიდან აღიარდება მომსახურების მიწოდების ხელშეკრულების შესრულების სტადიის მიხედვით. კომპანიის მენეჯმენტი შესრულების სტადიას ადგენს მოცემული თარიღისათვის შესრულებული მომსახურების პროცენტული თანაფარდობის გაანგარიშებით მთელი მომსახურების მიმართ გაწეული და გასაწევი ხარჯების (მაგ. საათების) მიხედვით.

**მომუშავეთა გასამრჯელოები.** კომპანიის თანამშრომლებისთვის გადახდილი ხელფასი, სარგო, ანაზღაურებადი შვებულება და ბიულეტენი, ბონუსები და არაფულადი სარგებელი დაირიცხება თანამშრომლების მიერ დაკავშირებული მომსახურების გაწევის წელს.

### **3 მნიშვნელოვანი სააღრიცხვო პოლიტიკა (გაგრძელება)**

**საოპერაციო იჯარა.** როდესაც კომპანია მოიჯარეა და საკუთრებასთან დაკავშირებული არსებითად ყველა რისკი და უკუგება არ გადაეცემა კომპანიას მეიჯარის მიერ, მაშინ იჯარის მთლიანი გადახდები იჯარის მომსახურების ვადის განმავლობაში წრფივი მეთოდით აისახება მოცემული წლის მოგება-ზარალში. იჯარის ვადა არის შეუწყვეტადი პერიოდი, რომლისთვისაც მოიჯარემ ხელშეკრულება გააფორმა მოცემული აქტივის იჯარით გაცემაზე, იმ დამატებით ვადასთან ერთად, რომლის განმავლობაშიც მეიჯარეს ამ აქტივის იჯარით ფლობის გაგრძელების ოფციონი აქვს, შემდგომი გადახდებით თუ გადახდების გარეშე, როდესაც საიჯარო ურთიერთობის დაწყებისას გონივრულად სარწმუნოა, რომ მეიჯარე გამოიყენებს ამ ოფციონს.

**ცვლილებები ფინანსურ ანგარიშგებაში გამოცემის შემდეგ.** წინამდებარე სპეციალური დანიშნულების ფინანსურ ინფორმაციაში, გამოცემის შემდეგ ნებისმიერი ცვლილების შეტანისათვის, საჭიროა კომპანიის ხელმძღვანელობის მიერ ფინანსური ინფორმაციის გამოსაცემად დამტკიცება.

### **4 მნიშვნელოვანი სააღრიცხვო შეფასებები და განსჯა სააღრიცხვო პოლიტიკის გამოყენებისას**

კომპანია აკეთებს შეფასებებს და დაშვებებს, რომლებიც გავლენას ახდენს ფინანსურ ანგარიშგებაში ასახულ თანხებზე და აქტივების და ვალდებულებების საბალანსო ღირებულებებზე მომდევნო ფინანსურ წელს. დაშვებების და მსჯელობის მუდმივი შეფასება ხორციელდება და ეფუძნება ხელმძღვანელობის გამოცდილებას და სხვა ფაქტორებს, მათ შორის სამომავლო მოვლენების მოლოდინს, რაც მიჩნეულია, რომ გონივრული იქნება არსებულ გარემოებებში. ხელმძღვანელობა, აგრეთვე, სააღრიცხვო პოლიტიკის გამოყენებისას იყენებს გარკვეულ განსჯას შეფასებებთან ერთად. განსჯა, რომელსაც შეუძლია ყველაზე დიდი გავლენის მოხდენა ფინანსურ ანგარიშგებაში ასახულ თანხებზე და აქტივების და ვალდებულებების საბალანსო ღირებულებებზე მომდევნო ფინანსურ წელს, შეიცავს შემდეგს:

**ძირითადი საშუალებებისა და არამატერიალური აქტივების სასარგებლო მომსახურების ვადა.** ძირითადი საშუალებების სასარგებლო მომსახურების ვადის განსაზღვრა განსჯის საკითხია და ეფუძნება მსგავს აქტივებთან დაკავშირებულ გამოცდილებას. აქტივის სასარგებლო მომსახურების ვადის განსაზღვრისას ხელმძღვანელობა ითვალისწინებს აქტივების მოსალოდნელ გამოყენებას, შეფასებულ ტექნიკურ მოძველებას, ფიზიკურ ცვეთასა და იმ ფიზიკურ გარემოზე, სადაც გამოიყენება აქტივი. ამ გარემოებების ან შეფასებების ცვლილებამ შეიძლება გამოიწვიოს სამომავლო ცვეთის განაკვეთების შესწორებები.

**სავაჭრო და სხვა მოთხოვნების გაუფასურება.** მოთხოვნების გაუფასურების ანარიცხები დამოკიდებულია კომპანიის მიერ კონკრეტული მომხმარებლებისგან დავალიანებების ამოღებადობის შეფასებაზე. ძირითადი მომხმარებლის კრედიტუნარიანობა თუ გაუარესებულია ან ფაქტობრივი დეფოლტები შეფასებულზე უფრო მეტია, მაშინ ფაქტობრივი დებიტორული დავალიანება შეიძლება განსხვავებული იქნეს შეფასებულისაგან. თუ კომპანია განსაზღვრავს, რომ ინდივიდუალურად შეფასებული დებიტორული დავალიანება გაუფასურებულია, მიუხედავად იმისა ეს მნიშვნელოვანია თუ არა, ის ამ დებიტორულ დავალიანებას მსგავსი საკრედიტო რისკის მახასიათებლების მქონე დებიტორული დავალიანებების ჯგუფს მიაკუთვნებს და ამ ჯგუფს კოლექტიურად შეაფასებს გაუფასურებაზე. გაუფასურებაზე კოლექტიურად შეფასების მიზნებისათვის ფინანსურ აქტივებს აჯგუფებენ მსგავსი საკრედიტო რისკის მახასიათებლების საფუძველზე. აღნიშნული მახასიათებლები შესაფერისია მსგავსი აქტივების ჯგუფის სამომავლო ფულადი ნაკადების შეფასებისათვის, რადგან ისინი გვიჩვენებენ მოვალის უნარს, განახორციელოს შესაფასებელი აქტივების სახელშეკრულებო პირობებით გათვალისწინებული ყველა გადახდა.

სავაჭრო დებიტორული დავალიანება, რომელიც შეფასებულია, რომ ინდივიდუალურად გაუფასურებული არ არის, კოლექტიურად შეფასდება მსგავსი ხანდაზმულობის დებიტორული

#### 4 მნიშვნელოვანი სააღრიცხვო შეფასებები და განსჯა სააღრიცხვო პოლიტიკის გამოყენებისას (გაგრძელება)

დავალიანებების ამოღების კომპანიის წარსული გამოცდილების გათვალისწინებით. სავაჭრო დებიტორული დავალიანებებისათვის ანარიცხები იქმნება კონკრეტული ხანდაზმულობის კატეგორიაში თანხების ამოღების წარსული გამოცდილების საფუძველზე. გაუფასურების ანარიცხის ოდენობა სენსიტიურია გამოყენებული კონკრეტული პროცენტებისადმი. ფაქტობრივი შედეგები შეიძლება შეფასებულისაგან განსხვავდებოდეს, ასევე შესაძლებელია კომპანიის შეფასებების მომავალში შეცვლა, უარყოფითად ან პოზიტიურად, რაც დამოკიდებულია საბოლოო შედეგზე ან მოლოდინზე, რისკთან დაკავშირებული ფაქტების გათვალისწინებით.

#### 5 ნაშთები და ოპერაციები დაკავშირებულ მხარეებთან

საზოგადოდ, მხარეები დაკავშირებულად მიიჩნევა, როდესაც მხარეები ექვემდებარებიან საერთო კონტროლს, ან ერთ მხარეს შეუძლია მეორე მხარის გაკონტროლება, ან შეუძლია მნიშვნელოვანი გავლენის მოხდენა მეორე მხარეზე ფინანსური ან საოპერაციო გადაწყვეტილებების მიღებისას. თითოეული დაკავშირებული მხარის ურთიერთობის განხილვისას ყურადღება უნდა გამახვილდეს ურთიერთობის შინაარსზე და არა მხოლოდ იურიდიულ ფორმაზე.

2019 წლის 30 ივნისის მდგომარეობით ნაშთები დაკავშირებულ მხარეებთან იყო შემდეგი:

| ათასი აშშ დოლარი    | საერთო კონტროლს<br>დაქვემდებარებული<br>საწარმოები | სხვა<br>დაკავშირებული<br>მხარე |
|---------------------|---------------------------------------------------|--------------------------------|
| სავაჭრო მოთხოვნა    | 48                                                | 170                            |
| გადახდილი ავანსები  | -                                                 | 18                             |
| სავაჭრო ვალდებულება | 6                                                 | 16                             |

2018 წლის 1 ივლისის მდგომარეობით ნაშთები დაკავშირებულ მხარეებთან იყო შემდეგი:

| ათასი აშშ დოლარი    | საერთო კონტროლს<br>დაქვემდებარებული<br>საწარმოები | სხვა<br>დაკავშირებული<br>მხარე |
|---------------------|---------------------------------------------------|--------------------------------|
| სავაჭრო მოთხოვნა    | 29                                                | 165                            |
| სავაჭრო ვალდებულება | 55                                                | 74                             |

2019 წლის 30 ივნისს დასრულებული წლის შემოსავლისა და ხარჯების მუხლები დაკავშირებულ მხარეებთან:

| ათასი აშშ დოლარი                    | მშობელი<br>კომპანია | საერთო კონტროლს<br>დაქვემდებარებული<br>საწარმოები | სხვა<br>დაკავშირებული<br>მხარე |
|-------------------------------------|---------------------|---------------------------------------------------|--------------------------------|
| ამონაგები პროფესიული მომსახურებიდან | -                   | 59                                                | 1,146                          |
| პროფესიული მომსახურების ხარჯები     | 4                   | 717                                               | 170                            |
| ტექნოლოგიების და კომუნიკაციის ხარჯი | -                   | 40                                                | 203                            |
| სხვა საოპერაციო ხარჯი               | -                   | 11                                                | -                              |

## 5 ნაშთები და ოპერაციები დაკავშირებულ მხარეებთან (გაგრძელება)

*მენეჯმენტის ანაზღაურება.* მენეჯმენტის (კომპანიის მართვაზე პასუხისმგებელი პირები, მომსახურების მიმართულებების ხელმძღვანელი პირები და ფინანსური დირექტორი) ანაზღაურებამ, რომელიც მოიცავს ხელფასს, ბონუსს და სხვა მოკლევადიან სარგებელს, 2019 წლის 30 ივნისის დასრულებული წლისათვის შეადგინა 710 ათასი აშშ დოლარი.

## 6 ძირითადი საშუალებები

| <i>ათასი აშშ დოლარი</i>                             | ოფისის ავეჯი და<br>აღჭურვილობა | კომპიუტერული<br>აღჭურვილობა | იჯარით<br>აღებული ქონების<br>კეთილმოწყობა | სულ          |
|-----------------------------------------------------|--------------------------------|-----------------------------|-------------------------------------------|--------------|
| თვითღირებულება                                      | 373                            | 210                         | 63                                        | 646          |
| დაგროვილი ცვეთა                                     | (92)                           | (95)                        | (8)                                       | (195)        |
| <b>საბალანსო ღირებულება<br/>2018 წლის 1 ივლისს</b>  | <b>281</b>                     | <b>115</b>                  | <b>55</b>                                 | <b>451</b>   |
| შემენა<br>ცვეთის ხარჯი                              | 33<br>(47)                     | 80<br>(71)                  | -<br>(13)                                 | 113<br>(131) |
| თვითღირებულება                                      | 406                            | 290                         | 63                                        | 759          |
| დაგროვილი ცვეთა                                     | (139)                          | (166)                       | (21)                                      | (326)        |
| <b>საბალანსო ღირებულება<br/>2019 წლის 30 ივნისს</b> | <b>267</b>                     | <b>124</b>                  | <b>42</b>                                 | <b>433</b>   |

## 7 სავაჭრო და სხვა მოთხოვნები

| <i>ათასი აშშ დოლარი</i>                                   | 30 ივნისი 2019 | 1 ივლისი 2018 |
|-----------------------------------------------------------|----------------|---------------|
| სავაჭრო მოთხოვნა                                          | 773            | 758           |
| საექვო მოთხოვნების ანარიცხი                               | (24)           | (16)          |
| <b>სულ ფინანსური აქტივები სავაჭრო და სხვა მოთხოვნებში</b> | <b>749</b>     | <b>742</b>    |
| დარიცხული მისაღები შემოსავალი (WIP)                       | 1,051          | 806           |
| გადახდილი ავანსები                                        | 70             | 69            |
| <b>სულ სავაჭრო და სხვა მოთხოვნა</b>                       | <b>1,870</b>   | <b>1,617</b>  |

## 7 სავაჭრო და სხვა მოთხოვნები (გაგრძელება)

სავაჭრო მოთხოვნის ნაშთები საკრედიტო ხარისხის მიხედვით წარმოდგენილია ქვემოთ მოცემულ ცხრილში:

| <i>ათასი აშშ დოლარი</i>                                         | <b>30 ივნისი 2019</b> | <b>1 ივლისი 2018</b> |
|-----------------------------------------------------------------|-----------------------|----------------------|
| ბალანსები რომელიც არ არის ვადაგადაცილებული და არც გაუფასურებული | 749                   | 742                  |
| ვადაგადაცილებული და ინდივიდუალურად გაუფასურებული ბალანსები      | 24                    | 16                   |
| ბალანსები შემცირებული საექვო მოთხოვნების ანარიცხით              | (24)                  | (16)                 |
| <b>სულ</b>                                                      | <b>749</b>            | <b>742</b>           |

## 8 ფულადი სახსრები და მათი ეკვივალენტები

| <i>ათასი აშშ დოლარი</i>                          | <b>30 ივნისი 2019</b> | <b>1 ივლისი 2018</b> |
|--------------------------------------------------|-----------------------|----------------------|
| ფულადი სახსრები სალაროში                         | 2                     | 2                    |
| მიმდინარე ანგარიშები ბანკში                      | 1,446                 | 1,017                |
| <b>სულ ფულადი სახსრები და მათი ეკვივალენტები</b> | <b>1,448</b>          | <b>1,019</b>         |

## 9 სავაჭრო და სხვა ვალდებულებები

| <i>ათასი აშშ დოლარი</i>                                                                  | <b>30 ივნისი 2019</b> | <b>1 ივლისი 2018</b> |
|------------------------------------------------------------------------------------------|-----------------------|----------------------|
| თანამშრომელთა სარგებლის დაგროვილი ხარჯი                                                  | 498                   | 429                  |
| სავაჭრო კრედიტორული დავალიანება                                                          | 133                   | 647                  |
| საგადასახადო ვალდებულებები                                                               | 44                    | 20                   |
| <b>სულ ფინანსური ვალდებულება სავაჭრო და სხვა ვალდებულებებში ამორტიზებული ღირებულებით</b> | <b>675</b>            | <b>1,096</b>         |
| მიღებული ავანსები                                                                        | 142                   | 12                   |
| <b>სულ სავაჭრო და სხვა ვალდებულებები</b>                                                 | <b>817</b>            | <b>1,108</b>         |

## 10 საწესდებო კაპიტალი

კომპანიის წესდების მიხედვით, საწესდებო კაპიტალი განსაზღვრულია 100 ათასი აშშ დოლარის ოდენობით, რაც სრულიად შეტანილია შპს “ფრანსუოთერჰაუსკუპერს ოდითინგი“-ს მიერ.

## 11 სხვა საოპერაციო ხარჯები

| <i>ათასი აშშ დოლარი</i>             | <b>2019</b>  |
|-------------------------------------|--------------|
| ტექნოლოგიების და კომუნიკაციის ხარჯი | 290          |
| იჯარა                               | 212          |
| საოფისე ხარჯი                       | 187          |
| მივლინების და ტრანსპორტირების ხარჯი | 148          |
| პროფესიული გადამზადების ხარჯი       | 100          |
| მარკეტინგის ხარჯი                   | 60           |
| სხვა                                | 94           |
| <b>სულ სხვა საოპერაციო ხარჯი</b>    | <b>1,091</b> |

## 12 საანგარიშგებო პერიოდის შემდეგ მომხდარი მოვლენები

2019 წლის ბოლოს ჩინეთში გავრცელდა ინფორმაცია ახალი ვირუსის, სახელწოდებით COVID-19 („კორონავირუსი“), შესახებ. 2020 წლის პირველ თვეებში ვირუსი გავრცელდა მსოფლიო მასშტაბით, რამაც ბიზნესზე ნეგატიური გავლენა მოახდინა. აღნიშნულ მოვლენას საანგარიშგებო პერიოდის შემდეგ არამაკორექტირებელ მოვლენად ჩაითვალა.

ფინანსური ინფორმაციის გამოშვების დროისთვის კორონავირუსთან დაკავშირებით საქართველოში გამოცხადებული საგანგებო მდგომარეობისა და ზოგადი რეკომენდაციების მიხედვით PwC საქართველომ შეზღუდა თანამშრომელთა ერთიან საოფისე სივრცეში მუშაობა და გადავიდა ე.წ. დისტანციური მუშაობის რეჟიმზე. ტურიზმისა და გასართობ სექტორში მომუშავე კომპანიების ნაწილმა PwC საქართველოს მიმართეს თხოვნით გადახედილიყო პროფესიული მომსახურების მიწოდების და გადახდის ვადები. კომპანიის ხელმძღვანელობა განაგრძობს COVID-19-ის შესაძლო ზემოქმედების მონიტორინგს რათა მოხდეს კორონავირუსით გამოწვეული სამომავლო ეფექტის პროგნოზირება და თანდართული რისკების მინიმუმამდე დაყვანა.